

ԱՐԱՄ ԿԱՆԱԼԱՆՅԱՆ

Սովետահայ բանագիտությունը ծանր և անդառնալի կորուստ կրեց. 75 տարեկան հասա-
ցում վախճանվեց ՀՍՍՀ գիտությունների ակադեմիայի ակադեմիկոս, գիտության վաստակավոր
գործիչ, բանասիրական գիտությունների դոկտոր Արամ Տիգրանի Ղանալանյանը:

Ա. Ղանալանյանը ծնվել է 1909 թ. փետրվարի 12-ին Ախալցխա քաղաքում, յոթնամյա
Վրթուքյունը ստացել է ծննդավայրում, իսկ միջնակարգը՝ Թբիլիսիի 72-րդ դպրոցում: 1927-ին
ընդունվել է Երևանի պետական համալսարանի պատմագրական ֆակուլտետը, աշակերտելով
Նշանավոր հայագետներ Մ. Արեղյանին, Հր.
Աճառյանին, Գր. Ղափանցյանին, Ա. Տերտեր-
յանին: Ավարտելով համալսարանը, 1932-ին
Մ. Արեղյանի և Կ. Մելիք-Օհանջանյանի նրաշ-
խավորությամբ ու խորհրդով աշխատանքի է
անցել Հայաստանի նյութական կուլտուրայի
պատմության ինստիտուտում և խորամուխ եղել
հայ ժողովրդական բանահյուսության ուսումնա-
սիրության մեջ: Աշխատել է նաև Հայաստանի
կուլտուրայի պատմության, պատմության և գրա-
կանության, Արմֆանի լեզվի և գրականության
ինստիտուտներում նախ կրթման, ապա ավագ
գիտաշխատողի պաշտոններում, ամենուրեք ըզ-
րագլխով հայ ժողովրդական բանահյուսության
հետազոտությամբ: 1942 թ. Ա. Ղանալանյանը
պաշտպանել է քննաժողովական դիսերտացիա
(«Արեղյանը և ժողովրդական բանահյուսությու-
նը»), 1943—1959 թթ. վարել Մ. Արեղյանի ան-
վան գրականության ինստիտուտի ժողովրդական
բանահյուսության սեկտորի վարիչի պաշտոնը,
1965-ին ընտրվել ՀՍՍՀ ԳԱ թղթակից անդամ, 1970-ին պաշտպանել է դոկտորական դիսերտա-
ցիա («Հայկական ավանդությունները»), իսկ 1977-ից ՀՍՍՀ ԳԱ իսկական անդամ էր: Գիտա-
հետազոտական արդյունավետ աշխատանքներին զուգընթաց Ա. Ղանալանյանը երկար տարիներ
հայ ժողովրդական բանահյուսություն է դասավանդել Երևանի պետական համալսարանում
(1937—1941), Արեղյանի անվան (1934—1951) և Երևանի պետական հեռակա մանկավարժա-
կան (1936—1948) ինստիտուտներում, դառնալով իր առարկայի սիրված ու հարգված դասա-
խոսը, ուսանողների մեջ շերտ սեր ու հետաքրքրություն արթնացնելով հարազատ ժողովրդի հո-
գևոր մշակույթի նկատմամբ: Նրա գիտական անմիջական ղեկավարությամբ է աճել ու դաս-
տիարակվել արդի սովետահայ բանագետների միջին սերունդը:



Մեծ են Ա. Ղանալանյանի գիտական ծառայությունները սովետահայ բանագիտությանը:
Իր շուրջ կենդանի գիտահետազոտական աշխատանքների ընթացքում նա զբաղվել է հայ բա-
նահյուսության զրեթե բոլոր կարևոր ժանրերի հավաքմամբ և ուսումնասիրմամբ: Իր գիտա-
կան նախաձրայիբր նա սկսել է բանահավաքչական և աղբյուրագիտական ռեզե
աշխատանքով: 1930-ական թթ. սկզբներին Կ. Մելիք-Օհանջանյանի ցուցումներով Ա. Ղանա-
լանյանը կազմում է բանահյուսական արխիվում պահվող շուրջ 1000 հեքիաթների ոլոթների
համարարարուքը, իսկ Մ. Արեղյանի խորհրդով՝ հայ բանահյուսության մատենագիտությունը:
Հայաստանի տարբեր շրջաններից ու գյուղերից նա հավաքում, կուտակում ու արխիվավորում
է բանահյուսական բազմաթանր ու մեծաթիվ նյութեր: Նույն նվիրումով է հետազոտում նա

ձեռնամուխ լինում նաև սեփական գիտահետազոտական աշխատանքներին: Ջրնթանալով տրորված արահետներով, Ա. Ղանալանյանը հավաքել ու հետազոտության է ենթարկել բանահյուսության այնպիսի ժանրեր ու տեսակներ, բանագիտական այնպիսի խնդիրներ, որոնք բնավ չեն շոշափվել հայ նախընթաց բանագիտության կողմից: Ջանադիր, քրտնաբան, տառապալիք աշխատանքով Ա. Ղանալանյանը տարիների ընթացքում, մեկը մյուսի ետևից լույս աշխարհ է հանում իր գլխավոր աշխատությունները՝ «Հայ շինականի աշխատանքի երգերը» (1937. տակավին ձեռագիր վիճակում 1935-ին այն արժանացել էր Մելքոնյան մրցանակի), «Հայկական առաքանին» երկու հրատարակությամբ (1951, 1960), «Ավանդապատումը» (հայերեն՝ 1969 և ռուսերեն՝ 1979), «Հայ ժողովրդական հեքիաթները» (հայերեն՝ 1950 և ռուսերեն՝ 1965): Տասնյակ տարիներ նա դրադվել է հայ նոր գրականության և բանահյուսության փոխառնչությունների գիտական կարևոր խնդրի ուսումնասիրությամբ, հրապարակ հանելով այդ խնդրին նվիրված մեկ տասնյակի շատ գրքեր և հետազոտություններ: Մ. Արեղյանի, Գ. Արովի ղեկավարությամբ ու համագործակցությամբ Ա. Ղանալանյանը կազմել է հայ ժողովրդական հերոսավեպի հյուսված համահավաք բնագիրը (1939), հրապարակել վեպի տարբեր կողմերի ու խնդիրների վերաբերյալ մի քանի հետազոտություններ: Տարիներ շարունակ դրադվել է հայագիտության, մասնավորապես հայ բանագիտության պատմության հարցերով, հրատարակել հայագիտության նշանավոր երախտավորներ՝ Գ. Սրվանձտյանի, Մ. Արեղյանի, Ն. Մառի, Հ. Օրբելու, Կ. Մելիք-Օհանջանյանի բանագիտական վաստակն արժեքավորող մի շարք ուսումնասիրություններ: Նրա կարապի երգը դարձան հայ բանագիտության համակարգված պատմության ավարտված շարադրանք և հայ երգիչական դրույցների համահավաք բնագրերի կազմումն ու ուսումնասիրությունը («Երգիչականություն»), որոնց վրա մինչև իր սրգասավոր կյանքի մայրամուտը շանադորեն աշխատում էր անվանի գիտնականը: Իր գիտական գործունեության ընթացքում Ա. Ղանալանյանը դրադվել է նաև հայ բանահյուսության գիտական պրոպագանդայով, կազմել ու հրատարակել գիտահանրամատչելի բաղմամբիվ ժողովածուներ, գրքույկներ, հոդվածներ, ձեռագրի իրավունքով հրապարակ հանել հայ ժողովրդական բանահյուսության ուսումնական ձեռնարկի մի քանի պրակներ:

Իր կենդանյա գիտահետազոտական ու գիտամանկավարժական գործունեության բեղմնավոր արդյունքներով Ա. Ղանալանյանն իրավամբ վաստակել է սովետահայ բանագիտության ռահվիրայի և ուղի համահարվողի նախապատիվը: Զարգացնելով իր մեծ ուսուցչի՝ Մ. Արեղյանի բանագիտական դասական ավանդները, նա տասնամյակներ շարունակ մեծ պատասխանատվությամբ ընթացք տվեց սովետահայ բանագիտության դարգացմանը և իր մարդկային բարձր և առնչեմնող հատկանիշներով, գիտական անաշուտ սկզբունքայնությամբ արժանացավ համազգային ճանաչման ու գիտական պատկառելի հեղինակության:

ՍԱՐԳԻՍ ՀԱՐՈՒԹՅՈՒՆՅԱՆ

Բանասիրական գիտությունների ղեկավար